

中
州
金
石
攷

物莫壽於金石圖以遠者託焉三代勒銘於鍾鼎彝器衛孔悝之鼎季武子之鍾抑亦濫矣石刻之傳寥寥可數秦以後大都樹碑而文之鑄金者罕焉宋以前文學之士無從事金石遺文者自劉原父歐陽永叔趙德夫董彥遠諸家相繼論述而鼎彝古器亦多出政宣之間語其利益足以訂經注之踈補史傳之闕備小學之考異乎玩物喪志者也所患歷代綿邐岵嶇禹迹搜索無有嶧山秦刻久為火焚而好事者善欺

嗜奇者輕信潘吾人迹華山博箭之偽耳食之
徒詫奇願往近代不禁立碑津亭寺廨旋樹旋
仆者徒供敲火礪角之資碑材之可弔多矣其
又足徵信而傳後乎中州古迹最夥玉圃先生
黃公以政理之隙委所屬搜訪按以舊聞精加
辨析錄其有名而不誣者棄其勞費而災石者
又苦僚吏罕素心雅抱視為不急近舉而遐遺
猥以無有報命歉然尚有漏畧之虞嘻推此心
以求芳躅防壅蔽續古道公之政理蓋猶夫是

矣豈但博雅好古云爾哉千古寶器莫重洛邑
九鼎傳三代千八百年一飛入泗八遷入秦後
不知所終遙想三翮六翼之上具一部山海經
古文奇字應聚於斯竟無可考韓文公僅獲石
鼓數十句遂震而矜之恤不編入二雅亦可謂
無聊甚矣金石雖壽終歸磨滅此又不禁茫然
長懷者也常熟陳祖范譔

古迹之勒金石以垂永久者必其事足傳其文可信又有名人精於篆籀者為之表額非苟而已也輒近世所述之事既無關重輕其文其書又不加精擇蕪雜鄙瑣茫無義趣安可望垂永久耶中州自商以後為都會地聖君賢相名世大儒以及騷人逸士僊蹤梵跡凡被諸貞珉見於載籍者惟茲土為最夥傳之既久兵火煨燼洪流淪沒漢代以前無有存者若岫嶠之碑銅駝之銘太師之碣雖撫刻失真而古人遺意猶藉以不泯漢時碑板祇存其七魏晉以降大都模糊斷折不亟為蒐討懼日久益湮爰於休沐之暇劄致郡縣廣事訪葺柰好

古者鮮非其性之所近則視為不急而置之或委諸下吏足跡未踰城闔輒以無存走復甚且長吏虞撫搦費多晦其跡而反加誚蔑焉其以無存告者安知不尚苔封於道左草掩於土中誰得而究其有無耶今就目擊者標識本末餘所未見而耳聞者亦錄以俟後之同志金元以前片石尺碣悉為登入明代石刻最濫郵亭之去思仁祠之施捨其文其書無足比數則屏而不錄攷古證今依各府州編入前賢論列附綴其下訂正其傳聞譌舛者雖不敢云銓敘條理考證精博如集古金石諸錄然觀其標識翫其辨跋已不啻摩挲金石而目了

其文字也已

乾隆辛酉三月上浣北平黃叔璥識

中州金石攷目錄

卷一

開封府

卷二

陳州府

許州府

卷三

歸德府

卷四

彰德府

衛輝府

卷五

懷慶府

卷六

河南府一

卷七

河南府二

陝州

卷八

南陽府

汝寧府

光州

汝州

中州金石攷目錄

中州金石攷卷一

北平黃叔璥玉圃輯

開封府

祥符縣

漢尚書令邊韶碑

蔡邕隸書

格古要論邊韶漢桓時大中大夫蔡邕隸書其墓碑在開封府東北五里

太常戴封碑

董襲碑

天下碑錄在開封縣東北墓前

令史邊讓碑

天下碑錄
在開封縣

唐大相國寺碑

國書見開志唐延和元年七月改故建國寺為大相國寺睿宗御書碑額為一絕

東平王寫真院記

天下金石志
在相國寺

汴州安業寺碑

殷仲容書

汴州東水門記

貞元十四年韓愈撰

貝州司法叅軍李君墓銘

貞元十七年韓愈撰

昌黎文集貞元十七年九月丁卯歲西李翔合葬其墓其墓考貝州司法叅軍楚金皇祖妣清河崔氏夫人于汴州開封縣其里

宋東京國子監碑

建隆三年陶穀撰權令詢書

十善業道經要略

唐裴休撰 太平興國二年趙安仁正書
在繁臺塔內

金剛般若波羅蜜經

趙安仁正書
在繁臺塔內

按宋史列傳趙安仁河南洛陽人幼時執筆能大字雍熙二年補梓州提
鹽院判官會國子監刻五經正義板本以安仁善楷書遂奏留書之直集
賢院王侯內戚家多以銘誄爲託歷官御史中丞
諡文定宋初去唐未遠所書二經猶有唐人遺意

遷等覺禪院記

雍熙元年王嗣宗撰

大相國寺碑

至道二年宋白撰吳邦書並篆額

兗州山人稟大相國寺碑在大梁爲鄭林承旨宋白撰待詔邦書完好若新立
者白亦頗有文學名而辭藝課不工不敢與江總持作奴何論簡樸邦雖不能
脫俗侯習頗通動自

實殆類誠慧集書

張子野墓銘

康定元年

歐陽文忠公集子野諱先世世博州高唐人
自曾祖已來家京師而葬開封今爲開封人也

二體石經易書殘碑

至和元年篆書釋文正書

佩文齋書畫譜宋仁宗至和元年八月十六日已酉以皇姪右屯衛大將軍克儉書國子監石經論語求書石國子監帝從其請命國子監取易詩書周禮禮記春秋孝經爲篆隸二體刻石兩盤嘉祐六年國子監言草澤章友直篆石經畢詔補試將作監主簿以同篆石經殿中丞張次立與堂除書目云石經七十五卷楊南仲書周易十書十三詩二十春秋十二禮記二十皆具真篆二體

宣和書譜章友直工玉筋字學

與楊南仲篆石經於國子監

癸辛雜識汴學即昔時太學舊址九經

石版堆積如山一行篆字一行真字

按石經遺字三碑石長五尺四寸寬二尺六寸凡六排各三十六行篆隸相同表裏鑄字剝損過半矣今在府學東廡易二碑升固升革尚大象節中孚小過既濟未濟上繫至繫傳之主也升五爻東貞吉升階時石經作階因五爻利用祭祀石經依宗祀尚書一碑洪範武成旅獒金縢一行康王之誥酒誥石泐不可讀武成第一段淮一月王康旁死魄魄石經作霸既生魄同二段歷四月哉生明今本在萬姓覺誤下三段丁未祀于周廟今本在受命于周下四段既生魄今本在示天下勿服下五段三若曰嗚呼今本在大告武成下六段庶幾之罪今本在征伐商下七段恭

天成命今本在于小子其承歷志下八段惟爾有神今本在周不率俾下
九段列爵惟五今本在用附我大邑周下按代生今文尚書無武成至孔
氏古文尚書乃有此篇劉氏王氏程子皆更定次序亦各不同朱子以漢
定日辰及經文前後參考細推始成定本 洪範明作哲石經作斷 酒
誥厥心藏
石經作藏

太尉王文正公神道碑

至和二年歐陽修撰

歐陽文忠公集天禧元年十一月公

楚於開封府開封縣新里鄉大邊村

觀察留後李公墓銘

嘉祐五年歐陽修撰

歐陽文忠公集鎮潼軍節度觀察留後李公諱

端楚開封人也楚開封縣褒親卿先登之次

延福宮石銘

王安石撰

江南通志同泰寺石橋吳順義中置千禧院石
四各高丈餘宋政和中取入汴京置延福宮

立朱亥墓銘

蘇軾撰

徽廟御書

政和三年某竹堂碑目徽廟雜書八在開封府學

金汴城東光教寺普賢洞記

皇統四年施宜生撰并書

元河南行省增修堂廡碑記

至元三年吳炳撰

汴梁廟學記

至元庚寅姚燾撰

河南行省左右贊治堂記

至元壬辰許衡撰

河東廉訪使程公神道碑

大德元年王思廉撰

元文類公諱思廉元貞丙申正月以官薨於太原二月三日歸葬汴梁

梁國公楊澤神道碑

至大三年大學士李謙奉勅撰

程非大楊氏先塋記 延祐二年丞相身率僚佐共建新賜神道碑於墓右祠堂三楹秦國公李孟爲榜曰致嚴壙則集賢侍講學士趙孟頫銘之墓前有表表知政事賈鈞書之墓南石門刻御史中丞郝天挺之字曰易氏先塋又南華表雙高國子祭酒劉廣題其銜顏曰梁國公神道有碣路左書曰大司徒梁國公

墳則郭國公

史弼書也

草書千文

至大四年趙孟頫書
在臬司署

河南行省左丞相高公神道碑

延祐三年元明善奉勅撰

元文類公諱興汝南人皇慶二年薨於大梁之路寢詔令汴臣加禮以葬其月
日葬祥符之史湖里延祐三年追封梁國公諡武定命明善撰次神道碑

明東書堂帖

歷代法書集能模刻之多未有甚於此者

金石林時地考周

王臨比二十卷

蘭亭序修禊圖

具有蘭亭史者所謂肥本者趙子固語永本也

金石林時地考蘭亭

臨本并圖周王臨

格古要論補永樂十五年周王刻蘭亭序修禊圖并詩文考證其前五序一臨
定武的本一定武肥本一定武瘦本一指遂良摹本一唐太宗摹賜本圖後自
製跋語其圖益模李伯時所畫而翻白尤多比山陰禊圖稍細密圖後有天台
孫綽後序後有唐邨公權宋末元章跋語宋高宗行書付孟庚二帖俱彙註宋

高宗御寶又其次有唐太宗得蘭亭二跋及定蘭亭審訣詩歌曹宏父詩又載姜堯章蘭亭傳考又載十七帖辨蘭亭旁註僧字不是曾字之誤末有殿下所跋蘭亭註說識以蘭亭

軒東書堂圖書記二印

辨帖箋明宗室周府模刻閣帖而增入蘭亭敘文并宋人書甚有雅趣近復翻刻其去周刻甚遠矣

龍廟鐵犀銘

正統十一年于謙撰

閭與邦鐵犀鎮河廟碑記出大梁之安遠門東北隅四里許有四龍廟廟後有鐵犀一狎狎踣踣半出土上背鑿銘詞題明正統丙寅巡撫于忠肅所鑄以鎮水患者閭城圖沐曾用萬夫移犀他所千鎗百煥聲聞十里決句不能損其全軀僅於左脇下穿一穴壬午埋沒土中後人剽地而得之視其銘詞隱隱隆起若商周彝典銀鈎無損良有神呵護矣其銘曰百鍊玄金銘爲真液變幻靈犀雄威赫奕填梁隄防波濤求息安若泰山固如磐石水怪潛形焉夷欽跡城府堅完民無墊溺兩順風調男耕女織四時循序百辟効職億萬閭閻指之衽席惟天之休惟帝之力爾亦有庸傳之無極沐人庶吉士袁塘如亦有贊

府學敬一亭碑記

于謙撰

祥符縣學碑記

天順六年劉昌撰

六烈女祠記

正德十年李夢陽撰

庇民祠記

正德十年李夢陽撰

岳忠武祠記

正德丙子何孟春撰

大梁書院記

修相國寺碑

正德十五年

修禹王廟碑

嘉靖元年左國璣正書

五門碑記

嘉靖元年

已上四碑俱李夢陽撰

布袋和尚像贊

嘉靖癸巳張平山繪像李獻吉撰左國璣書

世稱三絕碑

本朝康熙壬申相國寺災石燬郭世寧重鐫

巡撫都御史題名碑記

嘉靖十九年何璜撰

遊梁書院記

天啟二年方大美撰吳士端集緒遂良書今在二程先生祠

睢陽叅知劉煥誄

董其昌書
在臬司署

邵子遺像

下幅刻伯溫先生公清先生二像
在遊梁祠東廡

附

范文正公集宋衛尉少卿分司西京胡令儀神道

碑公陳留人歸葬於開封某鄉某里辨帖箋載石鼓

臨本舊刻宋東都時嘗鑄金填其刻文置宣和殿金

人入汴剔取其金而棄之故自靖康土宇分裂之後

拓本絕不可得池北偶談載孫退谷先生說昔爲祥

符令有人發古墓乃東漢馬武墓妾處中有石即武

爲妾自製誌文甚古字畫精絕又有香奩一具中貯

脂粉皆宛然奩底一小銅印鐫妾莫如三字急就篇
注漢有毛莫如又大梁城西水磨間土人掘地得一
石有日月逝酒漿五字乃古篆也周櫟園侍郎摹勒
以傳謂非仙者不能道也施愚山有詩記之 祥符
令張淑載榻一碑云在府城東十五里宴臺河關王
廟中字奇異不可辨首行殘缺末行似紀年月車全
奉米史赤子月十迎日尚欠英古阜元雷而丑係英
凶此刃金非楷書非八分點畫波磔頗具古意惟月
日不變文精於六書者莫知爲何代何人也西華王
怡亭謂筆法絕類金天會中都統郎君碑此亦金人

書無疑

陳留縣

漢東

一作宗

昏庫上里社銘

蔡邕撰

魏何伯申碑

金石林時地考
在縣東五十里

宋二體石經周禮殘碑

篆書釋文正書

石在城東二里許如如園佛寺中世今王莽龍濟至此寺見碑內外石上
錫周禮詢之僧人云從前買白石工者擬刮去舊篆刻新修廟記因而面
皆字剝蝕太甚難以刮磨遂留之後龍易以他石並置文廟殿門之北周
禮二面每面六排各三十行上下不相屬正書篆字釋文楷書石長四尺
符石經等寬減三寸一天官惟王建國至宮正徒四十八止凌人至掌舍
府二人止九嬪至嬪人女卿八人止五曰保庸至八曰山澤之賦止凡邦
之小治至小宰三曰以敘作其事止六曰庶辨至不用禋者止下俱舊減
一春官大宗伯若王不與祭祀至小宗伯辨吉凶止牲繫于牢至類造止

李標用虎囊至加莞席紛紜止大喪存其喪大旅亦如之石經在凡酒修酌下今本在左右王几下共其王器至典命凡諸侯之適子止司隸而役之至世婦有標事于婦人止大司樂掌成均之灋至大合止

附

後漢書蔡邕傳唐章懷太子賢注汴州陳留縣有邕祖携碑訪碑錄縣北有碑額題漢丞相陳平之碑

杞縣

漢執金吾高褒碑

訪碑錄在雍邱縣南五十里大善鄉

太尉高峻碑

天下碑錄在雍邱縣

外黃貞節先生碑

中平二年蔡邕撰

後漢書范丹中平二年卒何進移書陳留太守曰行論
謚金曰宜爲貞節先生刺史郡守各爲立碑表墓焉

宋空桑廟御製贊碑 大中祥符七年真宗御製口口奉敕刻

宋真宗封泰山東道空桑製贊立碑未幾南渡廟碑墮乳剝崩缺什
無功道明嘉靖四十年縣郡陸臣重葺碑陰祀人王嘉言撰記金中斷

大理寺丞龐之道墓銘 嘉祐八年司馬光撰

司馬溫公集弟元英達之道
之柩葬於雍邱頓公之墓側

元張萬戶城祀碑 至大己酉劉方撰

譙樓記 至正四年楊惠撰

明重修伊尹廟記 弘治丁巳任儀撰

夢阿衡詩教碑記 嘉靖癸丑麻濤撰

通許縣

漢廣武君李左車墓碣

邑志墓在廟後墓前有石方僅二尺文字漫漶可辨者君李左車尾曰斜臨渭水北眺與山數字

宋咸平縣丞廳餘醺記

熙寧中張耒撰

進學齋記

元豐乙丑張耒撰

金奉直趙君墓碣銘

天興壬辰

尉氏縣

漢西平令楊期碑

天下碑錄在尉氏縣西南四十里三亭鄉楊方村墓南二十步文字磨滅僅有首尾

征西大將軍楊瑾碑

天下碑錄在尉氏縣三亭鄉路村

琅邪王傅蔡朗碑

永興六年蔡邕撰

大復山樵樊翰記邑有斷碑數十字

在尉氏近歲失其傳或即指此碑耶

魏散騎常侍步兵校尉阮嗣宗碑

嵇叔夜撰

唐重建阮嗣宗廟碑

李京撰

尉氏令李良清德碑

天寶十五年

宋節度府判官胡晝墓銘

宋祁撰

邑志明弘治年間

農夫鋤地見之

贈尚書員外郎王公墓銘

慶歷四年歐陽修撰

歐陽文忠公集王氏爲開封咸平人公慶歷四

年九月庚申葬於尉氏縣城鄉栢子原之新塋

元學士鄭思恭墓碑

至正六年

邑志明嘉靖九年邑令劉創其文
爲學宮之用人規最屬有遺憾焉

附

漢魏碑刻紀存尉氏故吏處士人名殘碑在尉氏
縣按尉氏令鄭季宣碑并陰在山東濟寧州學宮

洧川縣

元洧川尹高弘惠政碑

皇慶元年劉庸撰

重修顏考叔廟碑

至元庚辰梁棟撰
明成化壬寅重刻字不足觀

鄆陵縣

漢豫州從事尹宙碑

熹平六年
今在縣學
熱書

隸辨額題從銘二篆字上有穿額橫書在穿之右金石文字記作豫州從事尹
宙碑云孫字唐滅以其頃川人而言本州知其為豫州今碑甚完好無一字磨
滅惟云仕郡歷主簿督郵五官掾功曹守昆陽令州辟從事
而已無豫字也或事林所見之本傳拓不清以爲唐滅爾

碑陰元鄢陵學官李警記石云皇慶元年追封孔子文宣王疏立石類宮
鄢陵達魯花赤阿八赤物色碑材得片石於洧川即此碑也公華致廟廡
另易新石昔皇慶三年正月劉青藜金石續錄謂碑
鄢陵因洧水泛漲崖崩而得之似未見碑陰所載也

故民吳仲山碑

熹平元年

金石林特地攷金石志俱載入闕鄉

金石錄漢吳公碑其額題漢故民吳公碑碑云熹平元年十二月
上旬吳公仲山其他刻畫完好如新文詞頗拙陋書亦怪而不工
隸辨字原云在東京今開封府隸釋云宣和中知鄢
陵縣穆延年得之於民間碑無其名仲山其字也

唐立漢文範先生陳君碑

訪碑錄在鄢陵廟內裴延休文

元建宣聖廟記

貞元二年輔淮良撰

明處士牛興墓表

薛琰撰

附

邑志文範先生祠在縣西漆井村明邑人叅議陳

溥考漢制哀金鑄像立碑二元季兵燬今餘斷石一

中牟縣

魏鍾太傅碑

格古要論鍾縣字元常潁川長社人善書魏封平陽侯碑在尉氏縣西北三十里蔣城鄉高兼村今屬中牟

按金石志作魏鍾縣碑在蔣城鄉鎮縣於義無取或偏旁傳寫訛誤爾

唐潘孝子頌

大歷三年崔偁撰屈突寬八分書

金石錄孝子字季通與其父良援相繼有至行親喪皆廬墓大歷中宣慰使李季卿以聞有詔褒美墳廬在今中牟縣祥符中章聖皇帝西祀汾陰過之諭有司封其墓且禁樵採云

列子觀題名

李德裕王起題

宋智度寺經幢

太平興國三年

修漢中牟令魯太師廟碑

祥符五年魯宗道立

關蜀餘聞魯肅簡公中牟至
縣即立漢今魯恭祠勒傳於碑

義士李冠殘碑

邑志學中標土得五代義士李冠殘碑刻韓忠彥補墩二跋言李以布衣奮義
使賊不犯我境又言六世孫大夫君發揚以傳於後李師德也師德元四年進
士

金延福院淨德禪師塔銘

大定二年董瑄撰

清淵五嶽廟碑

大定四年

見子臺大鐘記

泰和甲子張璋撰

元田尹遺愛碑

大德八年王順撰

重修火星堂記

大德十年張舜元撰

汴梁路中牟縣儒學碑

至大四年王鵬孫撰

陽武縣

東魏征虜閣孝侯碑

寶刻叢編天平三年立

唐陽武縣李行忠佛堂記

景雲元年李固徽書

陽武復縣記

貞元十九年唐從撰鄭乃中八分書

封邱縣

漢徐州刺史百里嵩碑

邑志百里刺史歷官多善

故今墓及神道碑尚存

陳留太守程封碑

天下碑錄在封邱

縣東二里墓下

魏隱士程冲碑

金石林時地考在縣西南四里程隱真書 一作程隱夫

節婦白氏碑

金石略在東京節婦白氏碑冲妻也晉咸熙中建二碑同處

金完顏君用神道碑

邑志完顏君用以武功食邑於封卒葬縣境今墓雖廢碑猶存焉

明戶部尚書秦公祠碑

正德時徐緒撰

附

通志翟母碑在縣東漢高祖與項羽戰敗爲翟母免難之處又土人相傳有唐王伯當碑以爲河淤尚記其處邑今葉仰高掘十餘丈不得

蘭陽縣

明梁康僖祠記

王鍾書

儀封縣

元宋文玉去思碑

至元口年張琬撰

石刻論語

未詳何時

通志縣城西一里許有請見亭亭內
豐碑大書論語儀封人請見一章

鄭州

唐尚書庫部郎中鄭君墓銘

韓愈撰

昌黎文集公諱萃長慶元年十
一月薨鄭州唐武原先人之墓

石井闌記

會昌二年李振書

宋靈顯王贊

大中祥符四年御製并書

後損太甚

欽奉堂記

大中祥符四年祖無擇撰

御賜詩記

至和元年曾公亮撰

宜春令贈太師冀國公神道碑

至和二年歐陽修撰

歐陽文忠公集公程琳父也既罷宜春退居蔡州天

聖十年十一月葬鄭州管城縣馬亭鄉之北田村

忠武軍節度使武恭王公神道碑

嘉祐三年歐陽修撰

歐陽文忠公集武恭公諱德用字元輔贈太尉中書令墓於管城明年有詔史臣刻其墓碑

石多殘缺可辨者只百數十字御賜篆額清忠之碑四字尚完好石闊五尺長丈餘又一碑學士韓絳撰文

王彥章畫像記

歐陽修撰

州志記云彥章仕梁為宣義軍節度使以身殉國葬鄭州之管城舊志不載

開元寺碑

張維書

元宣課長官盧君神道碑

至元乙未王惲撰

霍順碑

元明善撰

陳留侯哈丹碑

吳淑撰

明修周列子祠碑

萬歷八年蔣民望撰王藻書

王陽明先生像贊

嘉靖庚申項夢龍刻

州志舊州署有仆碑發視之則先生像也下書嘉靖庚申季冬州牧後學項夢龍刻於仰高臺上書東郭像贊曰門人鄒守益題

蓬萊仙境四大字

未詳何人書

滎陽縣

漢石門二銘

一陽嘉三年

一建寧四年

水經注滎口石門門南滎河有故碑陽嘉三年二月丁丑使河隄謁者王濬疏達河川刊石紀功垂示於後陳留汝墳遺前字孝先領石銘歲遠字多淪缺

漢武帝建寧四年於城西北壘石為門以過渠口謂之石門石銘云建寧四年十一月黃腸石也而主吏姓名磨滅不可復識魏太和中又更修之石字尚沒無復存者

漢聞喜長韓仁碑

金石經眼錄銘高六尺闊三尺厚六寸五分字徑一寸五分額字徑二寸五分正大五年出土在滎陽縣署東角門東側西向碑係即任字永即不字丞即王字

右碑不知於何時斷裂篆額漢循吏故聞喜長韓仁銘二行十字文內聞喜書無石側有隸書跋語此碑出京索問樂陽令李侯輔之行縣發地得之字遺宛然劉寬碑書也正大五年十一月廿一日翰林學士趙秉文題

魏石的銘

水經注魏正始三年創建滎陽郡李賜為郡守政有遺惠民為立祠於城北五里號為李君祠廟前有石階階上有石的石的銘具存其略云百族欣戴咸推厥美今猶

祀焉

唐大海佛寺石記

舊唐書榮陽大海佛寺有高祖為隋鄭州刺史日為太宗祈福於此寺造石像一軀凡刊勒十六字以誌之歲久剝缺榮陽令李光慶重加修飾鄭州刺史張仲方再刻石記之以聞

聖德勒石文

輿地碑目在榮州長安三年立韋瓘撰

行潯州司馬鄭府君神道碑

神龍二年張說撰

碑云公諱某榮陽人也神龍二年十月一日葬於榮陽之原

榮陽令盧公清德頌

神龍三年劉穆之撰瑯琊王守質書

中宗賜榮陽令盧正道勅

景龍元年飛白楷書碑後即清德頌

邑志唐盧正道范陽人宗朝為榮陽令有善政御製贊以褒之碑存縣前真武廟

河東節度使鄭公神道碑

元和八年韓愈撰

榮陽鄭府君夫人博陵崔氏合祔墓銘

大中十二年秦貞撰

銘旌記唐鄭恒及妻崔氏誌萬歷初撰出於石門土中其文其書非唐人佳者但以鄭伯常令族與崔夫人淑德當日著會真記者何乃造此梨古棠耶武安志誌銘已著於世多見之者陳仲醇撰儒謂又臺土中自成化間榮陽人得之廢家家居邑之西北五十里曰葛槐縣蓋古之淇澳也後樹之崔氏為香案石若干年有胥識之白於邑長吏邢口因置之邑治其跡始著觀仲醇所記下及武安明萬歷間武令王廷輔謂往陽邑閭生家得誌銘讀之天啟時武令周曰強謂發藏於陳陽之原而好古者携之至此遂世為武安有馬如陳說已置縣治武之人又安得携之至此今閱百餘年武邑之石又安所歸耶

拾遺魯國孔府君墓銘

咸通十五年鄭仁表撰書

金石補遺石在縣

文廟門前新出土

附

周亮工書影云郭公博榮澤榮陽尤多郭公不知

何時人聞嘉靖元年撫軍命元百戶修月堤發一古

冢塋上有朱書曰郭公塋郭公墓郭公逢着元百戶
巡撫命爾修月堤臨時讓我三五步巡撫曰讓彼十
數步可也此塋昔以空心名後名琴塋今競呼爲郭
公塋矣

榮澤縣

唐重修漢忠烈侯紀公祠碑

長安二年范陽盧藏用撰并八分書
字尚完好又明正統三年歐陽哲撰

密老二州刺史鄭仁愷碑

景口口年崔融撰孫遵正書

歐陽進碑

顏真卿撰并書

禮部員外郎范陽盧鄒幼女姚婆墓志

大中七年正書

金石補遺碑在榮澤縣諸
生王瓌家新自土中掘出

宋檢校開國公程德玄神道碑

景德二年王坦書并篆額
石丈餘剝泐殆盡

至聖家廟碑

大中祥符二年留守王羽騰立

人不傳今止存設立奈
田及奉祀題名似碑陰

漢御史大夫周苛碑

魏默寫筆本朝康熙二十五年主簿胡紹南立

明重修開國公程公墓祠碑

嘉靖十一年葉琰書

河陰縣

隋梁公堰紀功碑

寰宇記在河陰縣西二十里開皇七年
使梁睿增修古堰過河入汴立碑紀功

唐光祿大夫鄭曾碑

開元二十四年

存唐碑記河陰城東北有碑屹然年久石泐概無全文拭而觀之尚顯
唐光祿大夫鄭曾大人李氏歸葬景陽北原數字餘皆斷殘不可讀

贈司空孔岑父碑

鄭經撰知微書

贈司勳員外郎孔君墓誌銘

韓愈撰

昌黎文集孔君諱戡元和五年八月從葬河南河陰之廣武原

尚書左丞孔公墓銘

韓愈撰

昌黎文集公諱戡長慶二年八月葬河南河陰廣武原先公僕射墓之左

安定皇甫公墓銘

白居易撰

長慶集公諱鑄開成元年十月三日用大葬之禮歸全於河陰廣武原從太保府君先塋

汜水縣

漢成臯令任伯嗣碑

延熹五年

金石錄任伯嗣碑其首已殘缺碑在今汜水縣汜水在漢為成臯此碑蓋成臯令德政頌爾大觀初獲此碑葺置運司廨舍壁間余聞其陰有字因課邑官

破壁出之遠得此本蓋漢碑有陰
者十七八世多棄而不錄爾

晉潘岳父子墓碑

水經注灤水西北過潘岳父子墓前有碑岳父范滂郡太守碑石破落文字缺
敗岳碑題云給事黃門侍郎潘君之碑碑云君遇孫秀之難閭門受禍故門生
感覆以增慟乃樹碑以
記事太常潘尼之辭也

北周龍泉寺碑

邑志宇文氏聚族於此有女為比邱尼建寺鑒碑週圍刻
其宮夫人某氏數十像皆後周顯官惜剝落不能備識

唐觀音寺方碣

武德五年陸德明撰
今在王留村崇本寺駐蘭

邑志秦王駐蹕廣武見大士

出見命陸德明立石紀其事

等慈寺碑

貞觀二年顏師古撰正書無姓名

渠古錄寺在鄭州汜水唐太宗破王世充寶建德乃於其戰處建寺云為碑上
士馬福唐初起兵破賊處多大抵皆造寺太宗英雄智識不世之主而率戎習

俗猶不能免也

紀功碑

顯慶四年高宗撰並行書飛白題額

邑志高宗過鄭州見先聖謚實建德改虛緬想功業立碑為頌高二丈闊七尺厚二寸

幽栖寺浮圖銘

開元六年

邑令許勉燉云石僅尺幅今在多寶院宇

蹟隸楷相間筆意近古而所書姓字不傳

明皇行次成臯詩

開元十三年史敭行書在紀功碑陰一作艾敭

令長新誠

玄宗製劉飛書

集古錄玄宗自擇縣令二百六十三人賜以下宰之戒天下為縣者皆刻石余所得者六其一河內其二虞城其三不知所得之處其四汜水其五潁其六舞陽

虎牢關銘

在汜水縣西二里一名成臯

亦曰古嘴關實至呂溫有銘

宋佛頂尊勝陀羅尼經幢

開寶九年僧慧貞書幢文八面在王留村觀音寺

神應王扁鵲廟記

政和甲午董作撰重修立書

按邑志廟建於漢鴻嘉三年隋仁壽中梁信繼修宋景祐元年重修政和中廟史黃文貴得石於河泥中乃隋時銘也董作立碑為記記內祇言得石於河泥之中却未及隋銘

印山東嶽廟壁記

金修伏犧廟碑

泰和五年石抹乾撰

元濟瀆廟碑

大德六年薛貴祖撰嚴君和書王元佐篆額

重修逍遙觀記

大德八年田道育書

顯靈王廟碑

張登書

明汜水教諭贈兵部職方司主事陳原墓表

景泰五年薛瑄撰

新修儒學記

成化三年劉昌撰

重修城隍廟記

如治十六年石琚撰楊惟善書潘子英篆額

附許勉燉云余曾至等慈寺見石佛像大小數十錢

鑿殊古柱礎大半墓銘蓋也上偏猶露唐宋字恨不能出之僅於頽垣下得斷幢二尺許及墓石二一題大唐故蘓君墓誌之銘一題唐故張府君夫人誌銘銘詞已不知其處因以三石歸邑署

中州金石攷卷一

男守謙校

中州金石攷卷二

北平黃叔璥玉圃輯

陳州府

淮寧縣

漢相王君造四縣邸碑

延熹二年

水經注陳縣城內有漢相王君造四縣邸碑文字剝落不可悉識其略曰惟茲陳國故曰淮陽郡云云清惠著聞爲百姓畏愛求賢養士千有餘人賜與田宅吏舍自損俸錢助之成邸五官掾西華陳驥等二百五人以延熹二年云云故其頌曰修德立功四縣同附今碑之左右遺墟尚存基礎猶在時人不復尋其碑蓋云孔子廟豈非也

溫令許績碑

延熹四年

水經注潁水之北者漢溫令許績碑績字嗣公陳國人也舉賢良拜議郎遷溫令延熹中立

唐畫卦臺碑

李邕書

方干光畫卦臺記一統志稱爲探香臺路史註則稱爲八卦壇前代名賢若李邕若張齊賢皆有碑記惜乎不傳

陳州龍興寺碑

景龍四年張說撰盧藏用八分書一作開元十四年

天雲寺講堂碑

太尉趙鼎祠堂記

流杯亭碑陰記

金石略唐陳州流杯亭碑陰記

光化中趙穀書穀昭宗時人

修伏羲廟碑

趙殿書

開元寺講堂記

盧中敏書

宋左班殿直楊君墓志銘

嘉祐二年王安石撰

葬郛縣及于郛

厄臺銘 王禹偁撰

庭莎記 晏殊撰

立光武廟記 張耒撰

太昊伏羲氏五字

在墓前或云朱子書或云蘓子由書未詳 廟多名人碑記康熙五十一年正月火諸碑無存

明修太昊陵廟記

成化七年戴暉書

陳州學記

嘉靖初賈宏撰

先天圖石碣

嘉靖壬寅魏口本立

重修太昊陵廟記

萬歷四年吳國倫撰周繼書

西華縣

宋法華禪院碑

皇祐二年

修商高宗廟碑

元祐六年王汾撰

項城縣

漢封觀碑

天下碑錄在
項城墓前

魏賈逵祠碑

魏列傳賈逵為豫州刺史吏民追思之刻石立祠青龍
中帝東征乘輿入逵祠詔曰朕見賈逵碑像心悟然
水經注賈逵祠在小城東小城項
縣故城也廟前有碑碑石全生

梁鹿苑寺碑

通志在縣北五十里南頓
街梁武帝勅建有碑記

光武臺碑

南頓集濟源廟碑

宋南頓光武廟記

邑令江淳裕建張采書

按方輿紀要南頓城即今商水縣治春秋時
頓子國漢置南頓縣不知志何據入項城

附

金石志顏魯公碑未詳何文學宮碑記康熙三十
一年邑令顧芳宗集顏魯公書邑志縣西三十三里
有晉王臺乃唐李克用屯兵處古廟碑刻猶存今已
無可窺尋矣

沈邱縣

明創建沈邱縣記

弘治十四年程敏政撰張遇書

太康縣

唐贈太尉許國公神道碑

長慶三年韓愈撰

宋江鄰幾墓銘

嘉祐六年歐陽修撰

歐陽文忠公集君姓江氏開封陳留人也自漢陳留侯德居於陳留之

園城君自高祖而上七世葬園南夏間由大王父而下三世乃葬陽夏

皆退著語存江鄰幾與公契分不疎晚著雜誌詆公七力既死公往弔哭之慟

告其子曰先公埋石修當任其責矣敘銘無取詞讀其文者匪特見交情終始

且信所

詆不實

明修儒學記 成化六年吳寬撰

郭叅政墓表

正統戊辰邵寶撰

扶溝縣

漢國三老袁良碑

永建六年

集古錄碑云君諱良字口卿上一字磨滅陳國扶樂人也後云永建六年

二月卒其碑首題云漢故國三老袁君碑其餘雖可讀而不能次第也

金石錄鄆道元水經注扶溝城北有表梁碑云

梁陳國扶樂人事與碑合惟誤以良為梁爾

漢隸字源圖三老表良碑在東京扶溝良以順帝未

建六年二月卒孫衛尉滂立此石天下錄良一作貢

按方輿紀要扶樂城在扶溝縣東南三十

里金石林時地考金石志載入太康縣

表騰碑

魏表渙碑

水經注渴水逕大扶城西之東北悉諸表舊墓碑字傾低虎羊碎折

惟司徒滂蜀郡太守鵬博平令先碑字所存惟此自餘殆不可尋

邑志墓有石獸頂刻隸書銘云右天祿食教倉飲山谷太康志漢司徒滂御史

大夫渙晉河南尹尚書侃皆扶樂人去此甚近故其墓在焉今石獸存呂家潭

齊氏

家

唐扶溝令馬光淑頌

開元二十九年

金石錄崔顥撰八

分書姓名殘扶

元城隍廟碑

潘英並撰

明修程明道祠記

景泰五年劉定之撰

附

邑志明弘治中邑人於謝處士墓前得唐人銘云

石紀齡芳儀永謝一奄泉扉魂返夕夜

許州府

石梁縣

漢僕射荀公碑

按格古要論荀淑字季和爲僕射墓碑在長社東北七里金石志載入江南
補州府學略述云季俞郡閭頌陝則曰龔頌川荀淑碑吳則曰頌乃又

列入許何也

河南尹蘓府君碑額

金石錄漢魏府君碑額題漢故河南尹慈府君碑今宜州太守張叔夜見寄云
在許州道旁碑無文詞惟此九字其額耳按東漢時魏氏景顯者惟魏章嘗以
河南尹徵不就其他無尹河南者意其為章碑也
然章扶風平陵人而碑乃在許昌未知果是否

徐庶母碑

通志在州城東二十
五里徐庶母墓有碑

梁匡德軍節度使馮行襲德政碑

通志在州治前民舍中
其文剝落止存篆額

北齊造丈八大像頌

天統五年正書

金石錄錄頌不知故在何處今為許昌關廟卑刀石字跡猶存
頌無撰書姓名題名自諸雖那外皆署邑子而朱姓居十之九

赫連子悅清德頌

金石錄北史列傳子悅為鄭州刺史郡人請為立碑詔許之碑所載亦同而碑
乃在今許昌者按隋書地理志潁川郡舊置潁州東魏改曰鄭州後周改為許

州

唐許昌縣令廳壁記

貞元十九年白居易撰

佛頂尊勝幢

咸通六年李遇正書

金石補遺在許州

府南門內寺中

吳道子漢壽亭侯像

明萬歷二十七年李宗周刻石吳采絕少殆是偽筆

通志州城西北吳道子洞孔聖
像開帝像皆其手筆刻石見存

文宣王廟碑

盧匡書

高陽碑

金石志在許
州荀叔里

宋都官郎中王次仲墓銘

明道二年

歐陽文忠公集公諱世昌
葬許州長社縣白兔原

飛白寶章記

通志仁宗康定二年飛白文詞賜侍讀
李仁淑為記摹石州縣今在州北城上

充寶文閣待制韓宗道墓誌銘

曾鞏撰趙挺之書

金石續錄子開為文宋史稱其溫潤有法信
然挺之書全學皇甫碑宋書之具唐體者也

慶成軍使韓宗厚墓誌銘

朱光裔撰杜鑑書

金石續錄宗厚與宗道同祖韓氏宋時為中原巨族其榮墓在潁昌
府長社縣嘉禾鄉靈井里二墓順治間被掘銘在今章家莊廟中

元知許州劉侯民愛碑

至大元年李永魯神撰

重修關王廟碑

至正壬辰青顏立石

明許州學記

弘治三年吳寬撰

重建陳太邱祠堂記

弘治六年呂璋撰

漢蔡孝子題詞

弘治十三年包裕撰

重修蔡孝子祠堂記

弘治十三年車重撰

平江令宋鑑小傳碑

萬歷四十二年邵寶撰李莊書

附

志漢中郎將墓北逍遙山磨崖爲碑字多剝落難

讀碑帖考顏庚書夏禹廟碑在陽翟

臨潁縣

魏公卿上尊號奏

黃初元年魏書相國散太尉謂等上表今只存其半

漢隸字源上尊號奏延康元年立在潁昌府集古錄

云唐賢多傳爲梁鵠書今人謂鍾繇書未知孰是

銷夏記載進碑爲梁鵠書歐陽公云嗚呼漢魏之事蹟其書者可爲流涕也其
鉅碑偉字其意惟恐傳之不遠也豈以後世爲可欺歟 何元朗謂隸書當以

梁鵠爲第一是隸書之祖余謂不然漢隸雍容古雅卓然千古

梁鵠所書方制寡情矯強未達視史晨碑勅諸碑相去千里矣

隸辨額題云魏公卿將軍上尊號表九篆字爲二行字作陰文凸起碑式云先王及高陵兩武王三陛下皆平開有奕局紋自陛下即位後刻於碑陰當時內外前後勳進之辭不一此蓋刻其最後一章碑自造於華裔之後石理較剛字跡晦昧今世所傳者多是前一版耳予見拓本於北海孫氏僅存數十字今在許州者重摹也

受禪碑

黃初元年隸書

水經注魏文帝以漢獻帝延康元年行至曲靈登禪於是地改元黃初以頡陰之繁陽亭爲繁昌縣城內有三臺時人謂之繁昌臺壇前有二碑者魏文帝禪於此自壇而降曰舜禹之事吾知之矣故其石銘曰達於繁昌築靈臺也於後其碑六字生金論者以爲司馬金行故曹氏六世遷魏而事晉也銷夏記受禪碑余家有舊榻本無一字斷裂上有晉府圖書蓋宋時榻也書法同勳進金石史云雖小遠漢人雍容雅度衫履自飾亦復矯矯隸辨額題云魏受禪表四篆字爲一行作陰文凸起劉賈客嘉話云王朗文梁鵠書鍾繇鑄字謂之三絕集古錄云顏真卿又以爲鍾繇書莫知孰是此碑舊刻亦已殘缺今所傳者重摹也集古錄作魏受禪壇記

唐贈和州刺史張敬因碑

大歷十四年顏真卿撰并書

集古錄碑在許州臨潁縣民田中慶歷中有知此碑者往模之民家患其踐田稼遂擊碎之余在徐陽遣人往求之得其殘缺者爲之段六其文不可次第獨其名氏存焉魯公之碑世所奇重此尤可珍寶也

演教院記

長慶時立

輿地碑目在

臨潁之北

修繁城廟記

咸通十二年

金石錄曾分象

撰書無姓名

明建漢愍帝碑

弘治口年邵寶撰

碑云古今纂稿之雜首稱曹魏繁城有壇焉曰禪受皆矯誣之詞有廟焉以祠魏文南面帝服儼然臨之當其親爲纂稿之地而舍此與彼亂臣賊子將益無所顧忌宜易所祠以祠漢之愍帝而其臣孔融配焉帝不稱獻而稱愍從昭烈所諡漢之君非魏所得諡也

立宋將軍楊再興廟碑

萬歷九年王祖嫡撰
在小商橋

附

金石文字魏大饗碑羣臣上尊號奏及受禪石表
文並在許繁昌金石志大饗碑載入商邱扶溝江南
亳州陝西長安按魏文帝延康元年夏六月南征秋
七月甲午軍次于譙大饗六軍及父老立壇於故宅
壇前樹碑題云大饗之碑譙即今亳州州有大饗堂
則石在譙明矣近見謝古梅碑刻紀存列入亳州良
然王隆照云臨穎儒學有元加封孔子碑大楷書又
明邵寶修文廟碑弘治中立賈文靖公詠碑嚴嵩撰
文嘉靖十六年在縣南六里墓前尚有諭祭誥命十

餘碑

襄城縣

唐湛橋寺石像頌

金石續錄寺在邑東南三十里天寶九年比邱道文造天宮石像醵頌其下頌駢體皆宗門語頌亦不惡書法朴茂時無分隸

宋重修令武廟碣

建隆元年毛口書
在今武山祠祀景差土產其半邑令方鴻徵視已多殘敗

上柱國清河伯張錫墓銘

皇祐五年歐陽修撰

縉雲尉張仲倩墓銘

皇祐五年司馬光撰

范蜀公墓銘

元祐四年蘇軾撰

蘇文忠公集公諱鎮字景仁晚家於許元祐四年八月葬於汝之襄城縣汝安鄉推賢里

修孔廟記

大觀元年

金石續錄在學宮東廡下字
痕勁而多姿亦宋碑之佳者

石刻容膝二字 朱子書

邑志道助古蒼原在香店鋪順治
七年邑令濟昌年移置靈泉山

金竹閣寺碑 元光二年雷淵撰陳仲謙入分書孔元楷篆額

金石續錄寺在三鄉之西仲謙書方整但少神韻耳全貌題句修竹
何曾見一竿寺僧去盡寺門闕空餘一片元光石日對門前女几山

修孔子廟碑 正大丙戌

金石續錄碑在邑學宮東廡廡間李春嚴撰文
麻九疇題額趙聲書正大丙戌建字亦工穩

元重修令武廟記 大德元年馬份書

襄城縣學廡記 正大元年劉必大撰字宋魯耕書蕭對篆

穎考叔祠堂記 正大三年張思敬撰

襄城縣學記

至治元年李木魯撰溫迪罕給其書

明紫雲書院碑記

成化十七年劉昌撰

判官辛君墓表

弘治八年邵寶撰高松書

郾城縣

漢文範先生陳仲弓碑

中平三年蔡邕撰并書

金石錄陳仲弓碑其額題云漢文範先生陳仲弓之碑字已漫滅蔡邕字書見於今者絕少故雖湯淑之餘尤為可惜以校集本不同者已數字惜其不完也按邕集仲弓三碑皆邕撰碑陰故吏姓名多已剝缺蔡邕小字八分惟此與石經遺字耳石經字盡謹嚴而此碑陰尤放逸可受隸辨金石錄與隸韻俱不言碑之所在按蔡邕集載此碑云勒表墳墓則碑當在墓前一號志云陳實墓在郾城縣西三十里

司空掾陳君碑

中平五年蔡邕撰

隸辨額題云漢故司空掾陳君碑八篆字金石錄云碑已殘缺不可辨惟其首八大字尚完字畫奇偉隸韻云此蔡中郎所作第三碑也其文乃陳牧履頌悲

傷之辭僅有前七十字下文盡皆不存碑作五年者孫牧立碑之年也趙氏謂是諸碑不知碑中自有太邱姓名其文又在蔡邕集蓋不能認碑故有斯誤陳實傳不言為司空據此碑額題疑是史傳失載

漢魏碑刻記存司空掾陳實

殘碑在郾城縣太邱墓側

鴻臚陳君碑

金石古文陳君碑卽子禮撰云君碑紀字元方太邱君之元子

唐潞州刺史高公德政碑

長慶口年王起撰裴璘書

方輿記要唐建中二年置潞州州城卽今郾城縣治

宋彼岸寺篆碑

金石補遺彼岸寺石幢高丈餘下有石臺上有石蓋雕刻精緻共六面每面寬二尺餘獨北面書人姓名官銜及年月皆小八分書悉模糊不可識大殿後又有唐時小石幢書陀羅尼咒指書甚道健惜失其名

古石幢文義不全內有興國中三字極分明想與上

蔡彼所寺俱宋時所建篆書甚佳惜摧殘太甚耳

元五老堂碑

延祐四年邑人徐季良為麻九時張從正王子可張穀山堂老人立石侯浩為記

明重修裴晉公祠二碑

一治七年邵寶立
一萬曆六年張簡記

修學記

劉理順撰

長葛縣

漢任子墓碑

通志在縣城東一

里有任子斷碑

晉議郎陳先生碑

墨池編元康

二年在長葛

尉氏令陳君碑

墨池編尉氏令陳
君單碑在長葛

元魏敬史君顯儻碑

興和二年 正書 碑陰刻故吏人名亦正書

右碑乾隆三年知縣許蓮峰於龍
驤灣地中掘出敬史君名已剝劓

隋房彥謙碑

北史本傳房彥謙為長
葛令百姓立碑頌德

唐陳太邱祖德碑

天寶九載系孫兼撰序任拱銘任子庸書

元崔公去思碑

大德元年袁楠撰

趙侯德政碑

至正四年蕭口賢書
在縣署儀門外

明重修漢太傅卓君廟記

嘉靖壬辰王鑑書

長葛縣題名記

萬歷四年孫故元撰

禹州

漢太尉郭禧碑

光和二年

金石錄漢郭禧碑文字殘缺所存才百許字郭氏世為陽翟人自將以下皆整陽翟今此碑缺處猶有陳留扶溝字疑謄書寫若是其卒也漢書故鄉而漢書注遂以為扶溝人恐誤碑陰首四大字云故吏人名其下列故吏故民凡百餘人又有右河南古河內郡右尹農郡右扶風字字盡完好者甚多筆法淳古可愛郭禧後碑殘缺尤甚其畧可辨者惟光和二年夏五月甲寅大中大夫故太尉郭公襲又云公之子故五原太守餘不復成文而其額題漢故太尉郭公神道字

盡尚完云

漢魏碑刻記存郭禧碑在禹州碑存上段字

盡方勁淳古又有郭禧後碑並殘缺尤甚

司空祭酒郭奉孝碑

建安中立

水經注陽翟城西有郭奉孝碑水側有九山祠碑

晉九山廟府君碑

元康二年

水經注九山廟有碑云九顯靈府君者太華之元子陽九列名號曰九山府君也南據崧岳北帶洛涇晉元康二年九月太歲庚午帝遣殿中中郎將關内侯樊廣縱氏令王與傳演奉宣詔命興立廟殿馬

唐善才寺碑

訪碑錄史

惟則分書

陽翟縣水亭記

大中九年魏虔撰蕭起行書

陽翟縣令壁記

元和十四年許堯佐撰吳宗冉書今在城北八里營碑剝落可辨者只四五十字

陽翟縣石橋記

崔周衡書

宋善才寺觀音院記

淳化元年梁文素書并篆下多剝落

天寧萬壽寺碣

仁宗御書天三奇斛咀囉字偽

參知政事戶部侍郎蔡公墓銘

范仲淹撰

范文正公集公諱齊字子思寶元二年四月薨贈兵部尚書諡曰文忠以康定二年辛巳十一月某日葬於許州陽翟之茱山

太子右衛率府田紹芳墓銘

范仲淹撰

觀文殿大學士晏公神道碑

至和二年歐陽修撰

碑云至和二年正月公薨贈司空兼侍中諡曰元獻三月癸酉薨公於許州陽翟縣麥秀鄉之北原既薨賜其墓隧之碑首曰舊學之碑旣又勅史臣修考次

公事具告

於碑下

尚書刑部郎中孫甫墓銘

嘉祐五年歐陽修撰

歐陽文忠公集五年七月丁酉葬公陽翟縣舊學鄉塢頭村之北原

太子太傅田公墓誌銘

嘉祐八年王安石撰

蔡文忠公神道碑

元豐五年段方平撰孫永吉劉序篆額

碑下截剝損末書治平二年

撰文元豐五年五月書篆

穎溪王亭記

范鎮撰

金鈞州重修文廟碑

大安三年趙銖撰任師古書
字跡殘損

明神后山神廟瑞獸碑

永樂三年周世子撰

重建漢黃太守廟碑

成化十八年吳節書

東嶽廟記

弘治辛酉馬文升撰耿裕書

如來雙跡靈相圖

弘治十七年僧道月摹

圖跋唐玄奘法師赴西域圖歸進呈太宗奉
勅刻石以廣其傳明通月命匠勒石八分書

白沙書院奉安二程先生神位告文

嘉靖十一年
廬陵劉對撰

白沙書院記

嘉靖十二年張鯉撰任洛書

重修湯王廟記

嘉靖甲午李東雲書

重修廟學記

嘉靖四十年黨以平書

頴濱書院碑

永昌元年侯恪撰董九貢書

附

石像小碣八分書未詳何代何人

密縣

唐風后八陣圖

獨孤及撰劉道源書元至正二十七年書

邑志縣東四十里風后講武處一石突起水環匝之石中巖洞高下十餘而號雲巖者高敞可廬洞中竹黃帝風后像有唐人獨孤及八陣圖乃元人重鐫非

唐舊物也

宋法海寺石塔記

咸平四年張哲撰

金法海院德慈塔記

貞元二年劉文饒撰并書

修德觀問道碑記

劉文饒撰

白龍潭聖水感應碑記

永安四年

定遠大將軍劉芳墓碑

永安五年

元陽翟馮氏先塋碑記

趙孟頫書

叅知政事常公神道碑

元統三年

監縣明格公去思碑

至元三年霍復謙撰

明文石崖大字

袁宏道辭後書

附

邑志縣南里許有長官墓碑勒遺像一官一執印

一老嫗一虎惜字跡彫落不知所云梁佐索長官廟

記長官未知何代人昔宰是邑有惡獸入境為患公

選膽勇一人執牒而往追而投之獸啣牒自至訟庭

踞地而伏自是境不為患

新鄭縣

唐佛頂尊勝陀羅尼經幢

永淳元年次幅脫落下截在臥佛寺

修公孫僑廟碑

天寶十載隸書碑石斷裂字蹟殘損可辨者百十四字

滁州刺史榮陽鄭公墓銘

白居易撰

長慶集元和二年遷墓於鄭州新鄭縣某原附先祔齊堂

宋太子太師陳文惠公神道碑

慶歷四年歐陽修撰

鄭夫人石槨銘

歐陽修撰

墓銘舉例宋歐陽修有母鄭夫人石槨銘石槨有銘又一例也書作槨之日而系以銘又一例也

旌賢崇梵院碣

皇祐三年陳大觀元年刻石在咸寧寺

牒稱右諫議大夫天章閣待制勾當三班院王子融奏臣亡兄曾於新鄭縣安葬墳側修到僧院已奉勅賜號崇梵院欲乞依呂奇簡等墳所僧院例每年撥放剃度行者勅每年並元節與剃度行者一名觀此明奄寺於墓所建梵宮窮極壯麗亦有所本也

旌賢崇梵院三賢堂贊

嘉祐四年劉敞撰

明成化十三年僧可鑑重鐫

歐陽文忠公墓銘

熙寧八年韓琦撰宋敏求書韓維題蓋

敘云葬新鄭縣

旌賢鄉之原

寂默居士晁君墓表

元祐五年晁補之撰

宋文選葬鄭州新

鄭縣之旌賢鄉

歐陽文忠公神道碑

崇寧五年趙鞅撰

碑云先君不幸捐館舍亡兄與鞅皆流落不偶元祐初會於京師公家以公碑謚予聘子瞻許馬既又至於大故鞅不敏以父兄故不敢復辭歐陽哲文忠公望石記正統三年哲至新鄭展敬坐下視其碑石決斷不堪立而文剝裂不可讀欲重刻之而未能公之事具諸史藹之文行於世固不在於

碑也乃就工鑿石為小碑立於墓
前題曰宋太師歐陽文忠公之墓

醉翁亭記

蘇軾書明高拱刻今在邱陵劉氏家

弇州山人葉新鄭公家藏蘇軾醉翁亭記今刻之石結法道美氣韻生動極有
旭素屋漏痕意第不類蘇長公惟渴筆一二得似耳豈公沒後王遠老筆耶或
陸務觀張溫

甫筆戲筆耶

石墨鐫華此新鄭公得之徵發郎者文許承摹刻故能縱橫自如字字不失真
態余蓄此帖亦時展玩其中無一筆類長公者筆法雖不能盡脫宋習却勝長
公何不自顯姓名而
署長公殆不可曉

金興福院重修大殿三門記

正隆元年僧福崇書
在臥佛寺

元許文正公祠堂二碑

大德八年
又至大二年鄭冲霄撰呂士文書

志古堂記

宋尹洙撰

元文類河南劉伯壽宰新
鄭之二年刻於堂以自傲

明重修許魯齋先生祠記

薛瑄撰

魯齋遠書新鄭大隗山之左里曰陽緩元魯齋先生所生之地也先生世家河內金季其先人避兵是邑先生生於里中金大安己巳歲也縣學有祠以祀先生其事具碑今

碑存而祠廢

邑志元祠人廢明宣德年間知縣陳斐修學得石碑係公門人新鄭尹鄭冲霄記先生行實甚詳遂建祠肖像成化重修薛瑄為記

重修歐陽文忠公祠墓記

嘉靖三十二年皇甫思書

重修鄭大夫子產祠碑

萬歷二年高拱撰

附考古圖秦雙魚洗得於新鄭形制與四錢大洗同

而差小皆有宜子孫三字旁有雙魚為飾邑志周太祖陵前舊有石刻云周天子平生好儉約遺令用紙衣瓦棺嗣天子不敢違也今亡

中州金石攷卷二

男守謙校